

四庫全書

經部

欽定四庫全書

經部

詩傳旁通卷
五四

詳校官監察御史_臣盛嘉祐

通政使司副使_臣莫瞻菴覆勘

總校官進士_臣楊懋珩

校對官中書_臣吳甸華

謄錄監生_臣吳炳文

欽定四庫全書

詩傳旁通卷四

元 梁益 撰

國風

魏

魏

姬姓國郡國志陝州魏城今陝治平陸有古魏城晉獻公滅之以賜畢萬或云魏在安邑與芮國相近芮城北五里魏城萬所封也

解

唐叔後今河中臨晉東南故解城在桑泉之南虞鄉東三十里後魏分爲二南解虞鄉北解臨晉以蚩尤體解而名爲解有解池今產鹽

葛屨

廟見

禮記曾子問孔子曰嫁女之家三夜不息燭思相離也娶婦之家三日不舉樂思嗣親也三月而廟見稱

來婦也擇日而祭於禰成婦之義也註曰成昏而舅
姑存者明日婦見舅姑若舅姑已沒則成昏三月乃
見於廟來婦者來爲婦也廟見祭禰即是一事見音
現禰乃禮切父廟也

汾沮洳

晉水

澮水

絳水

汾

汾水出太原汾陽縣北管涔山汾陽今太原治陽曲
也東南過晉陽縣東晉水從縣南東流入焉南與文

水合西南過高粱遂西行過臨汾又西過絳縣西四十里虎^斯祁宮北西過王澤有澮水從東來入焉西至汾陰縣北西入于河汾陰河中府榮河縣也

晉水 出晉陽縣西懸笱山晉陽宋改平晉熙寧中省曰晉水過縣之南東入於汾

澮水 出絳州翼城澮高山又西南過絳與絳水合又西過虎祁宮南西入於汾

絳水 出絳縣西南入澮

公行公族

左宣二年初驪姬之亂詛無畜羣公子自是晉無公

族及成公即位乃官

仕也

卿之適

音的

子而爲之田

田以

祿

爲公族又官其餘子亦爲餘子其庶子爲公行

音杭

晉

於是有公族餘子公行

公行即公路左氏趙盾以

括爲公族又云盾爲軫車之族軫音毛服虔云軫車

戎車之倅也杜預云公行之官也盾自以爲庶子遜

公族而爲公行也公族掌公之宗族以適子爲之

視見垣一方人

史記扁鵲姓秦氏名越人勃海郡鄭人也長桑君以懷中藥與扁鵲曰飲是以上池之水三十日當知物矣乃悉取其禁方書盡與扁鵲忽然不見扁鵲以其言飲藥三十日視見垣一方人以此視病盡見五藏癥結特以診脈爲名耳今河間路莫州有扁鵲廟則徐廣謂勃海鄭人者非作鄭者是鄭音莫長桑君長上聲上池水謂水未至地者垣一方人垣牆也方猶

邊也言能隔牆見彼邊之人也藏臧同癢音徵脉
同

園有桃

徒歌曰謠

爾雅釋樂徒歌謂之謠孫炎曰聲消搖也孔穎達曰
經傳諸言歌者皆謂以絃和之故行葦詩毛傳云歌
者比於琴瑟也和比皆去聲

伐檀

猶爲人猗

莊子大宗師篇子桑戶死孔子聞之使子貢往待事
焉或編曲或鼓琴相和而歌曰嗟來桑戶乎而汝已也
反其真而我猶爲人猗於宜切辭也

徐穉之流

東漢徐穉字孺子豫章南昌人家貧常自耕稼非其
力不食恭儉義讓所居服其德

唐

唐堯都

唐國即中山今定之新樂與唐縣俱是有堯山唐水
望都故城望都里東有廣唐城東有堯故城張晏云
堯爲唐侯國於此地後都平陽安邑亦皆曰唐或曰
唐本堯都

堯都有四一中山唐國一河東平陽一河東潁縣順
帝改永安一太原晉陽唐故墟晉水所出

晉陶

唐本堯封在夏虛晉陽世本云叔虞居鄂鄂爲大夏
即夏虛也後曰晉以水名今井州之陽曲故平晉西
南十六里有叔虞祠墓嚴坦叔曰成王封叔虞於堯
都晉陽之故墟曰唐侯其子燮以晉水所出改爲晉
侯晉陽寶晉水所出唐以堯得名晉以水得名其地
一也

陶 高辛封之今廣濟軍治古定陶城有陶丘鄆州
平陰有陶山

蟋蟀

役車

周禮春官巾車云役車方箱此車可載任器以供役
收納禾稼亦用此車

山有樞

君子無故琴瑟不離于側

禮記曲禮君子無故不徹琴瑟

楊之水

晉昭侯封叔成師于曲沃

千畝

左桓二年初晉穆侯之夫人姜氏以條之役生太子
命之曰仇其弟以千畝之戰生命之曰成師惠之二
十四年晉始亂故封桓叔于曲沃

千畝 杜預曰西河界休縣南有地名千畝界休今
作介休

曲沃

叔虞三世孫成侯居之以封桓叔故其地有先君之

廟獻公城之以居申生曰新城漢曰曲沃今隸絳州
嚴坦叔曰即河東聞喜縣

絳

叔虞八世孫穆侯僖侯之孫也自曲沃徙絳而居之
魯莊二十六年士蒞城絳二漢爲縣今隸絳州有絳
山絳水有故絳城在翼城東南曲沃南相近景公遷
新田又曰絳乃以翼爲故絳

翼

叔虞十世孫昭侯自絳徙翼昭侯子孝侯居之因曰
翼侯孝侯名平今翼城東十五里有翼故城蓋其地
去絳爲近

田氏於齊

曲沃武公

春秋哀公五年秋九月癸酉齊侯杵臼卒冬閏月葬
齊景公六年秋陽生入于齊齊陳乞弑其君荼

陽生
悼公

荼安
孺子

左傳齊燕姬生子不成而死諸子鬻如之子荼

嬖公疾使國惠子高昭子立荼景公卒陳僖子使召

公子陽生陽生遂逮夜至於齊國人知之冬十月立之陳僖子田乞也陳公子完奔齊故齊有陳氏後又改陳為田氏陽生以五年冬十月奔魯故僖子召之國人知之而不言者見陳氏得衆心也

曲沃武公 魯惠公二十四年晉文侯之三十五年也其年文侯卒子昭侯立魯惠公三十年晉潘父弑昭侯納桓叔不克桓叔敗還曲沃晉人立昭侯之子平是爲孝侯孝侯八年曲沃桓叔卒子蟬代立是爲

曲沃莊伯魯惠公四十五年晉孝侯之十五年曲沃
莊伯伐翼弑孝侯翼人立孝侯之弟郯爲鄂侯鄂侯
二年曲沃莊伯之十一年魯隱公之元年也隱公五
年曲沃伐翼翼侯奔隨周天子桓王命虢公立鄂侯
之子光于翼是爲哀侯隱公六年晉逆晉侯于隨納
諸鄂謂之鄂侯隱公七年曲沃莊伯卒子稱伐立是
爲曲沃武公魯桓公三年曲沃伐翼獲哀侯晉人立
其子小子侯桓公七年曲沃武公殺小子侯桓公八

年曲沃滅翼周桓王命號仲立哀侯之弟緡于晉魯
莊公十六年晉侯緡之二十七年曲沃武公伐晉滅
之盡以其寶器賂周僖王王命曲沃伯以一軍爲晉
侯始更號曰晉武公

綢繆

女三爲粲

劉向列女傳密康公之母姓魏氏周恭王遊於涇上
康公從有三女奔之其母曰必致之王夫獸三爲羣

人三爲众女三爲粲王田不取羣公行下众王御不
參一族夫粲美之物歸汝而何德以堪之王猶不堪
況爾小醜乎康公不獻王滅密密蓋畿內諸侯也

無衣

六命七命

侯伯七命車旗衣服以七爲節天子之卿六命車旗
衣服以六爲節蓋視子男也

秦

雍

王伯厚困學紀聞曰朱文公詩傳秦德公徙雍今京兆府興平縣按興地廣記鳳翔府天興縣故雍縣秦德公所都也興平乃章邯爲雍王所都之廢丘也當云雍今鳳翔府天興縣

漢京兆扶風馮掖爲三輔京兆長安永興安西國朝改奉元漢扶風唐爲始平今仍鳳翔

駟驥

辰牡

天官獸人掌𧈧田獸辨其名物冬獻狼夏獻麋春秋獻獸物註曰狼膏聚麋膏散聚則溫散則涼以救時之苦獸物者凡獸皆可獻也鹿豕及狐狸之類百獸之物

逐禽左

地官保氏註五御鳴和鸞逐水曲過君表舞交衢逐禽左逐禽左者命御者左其車以射獸之左蓋自左

髀縹

而射之達于右髀

髀

爲上殺以爲乾豆

乾居寒切

奉

宗廟髀者脇後髀

二音

前肉髀者肩前也上殺者中

其心則死疾肉鮮潔也

中衆

驅逆之車

綏

夏官司馬中冬教大閱

仲

遂以狩田既陳陣乃設驅

平去

逆之車有司表貉

陌

干陳前註曰驅者驅出禽

獸使趨田也逆者逆要

腰

令不得走也禮記王制天

子不合圍諸侯不掩羣天子殺則下大綏諸侯殺則

下小綏大夫殺則止佐車佐車止則百姓田獵佐車
逆之車也

綏音蕤如住切以旄牛尾爲之綴於幢上凡旌旗之
上皆注旄羽於竿首幢音幢帳柱也

乘車鸞在衡

商頌烈祖八鸞鶴鶴鄭氏箋云鸞在鑣四馬則八鸞
鑣悲嬌切馬御也孔氏疏云鄭於秦風駟驥云置鸞
於鑣異於乘車於禮記經解注云鸞在衡車軛曰衡

則鄭以乘車之鸞必在衡而詩烈祖之鸞在鑣者以鸞之所在經無正文而殷周或異故從舊說以爲在鑣示不敢質也

小戎

驂之有靳

左定九年齊人王猛謂東郭書曰吾從子如驂之靳靳車中馬也言已從書如驂馬之隨靳也

兩靳將絕

左哀二年晉趙簡子與鄭人戰訖論功郵良曰我兩
靳將絕吾能止之我御之上也駕而乘材兩靳皆絕
郵良即王良乘載也材橫木也以喻細小乃駕馬而載細
小之橫木使簡子觀之兩靳皆絕以明已能止使不
絕之功

鏤膺

范處義詩補傳曰韞以虎皮爲之而以金鏤飾其膺
膺胸也謂弓室之胸也爾雅金謂之鏤此章不言馬

皆言弓嚴坦叔曰補傳之義爲長

終南

君衣狐白裘錦衣以裼之

記玉藻註君衣狐白毛之裘則以素錦爲衣覆之使
可裼也袒而有衣曰裼必覆之者裘褻也詩云衣錦
絺衣裳錦絺裳然則錦衣復有上衣明矣天子狐白
之上衣皮弁服與凡裼衣象裘色也裼音昔袒音但
褻音薛

黃鳥

事見春秋傳

左文六年國人哀之爲之賦黃鳥 蘇文忠公鳳翔
八觀詩秦穆公墓曰昔公生不誅孟明豈有死之日
而忍用其良乃知三子殉公意亦如齊之二子從田
橫恥堂高斯得詩傳膚說中取此詩

始皇之葬

史記秦始皇三十七年十月出遊十一月行至雲夢

浮江下過丹陽至錢塘臨浙江上會稽會音檜並蒲浪切

海西至平原津而病七月崩於沙丘九月葬驪山令

匠作機弩矢有穿近者輒射之以水銀爲百川江河

大海機相灌輸上具天文下具地理後宮非有子者

皆令從死從去聲死者甚衆葬既以下或言工匠爲機

藏皆知之事畢於是盡閉工匠無復出者

晨風

虞彥歌

欽定四庫全書

詩傳卷四

百里奚妻琴歌三篇其一曰百里奚五羊皮憶別時
烹伏鷄炊麋彥今日富貴忘我爲其二曰百里奚初
娶我時五羊皮臨當別時烹乳鷄今適富貴忘我爲
其三曰百里奚百里奚母已死葬南溪墳以瓦覆以
柴春黃藜搯伏鷄西入秦五穀皮今日富貴捐我爲
百里奚虞人爲秦大夫其妻寄之如此麋之染切彥
音移門關也

酢

酢醋同召南標有梅言梅實似杏而酢此言樾實酢可食
凡言酢者猶言酸也

無衣

襦
澤
招

襦古顯切禮記玉藻云纁爲襦緇爲袍孔穎達曰純
著新綿名爲襦雜用舊絮名爲袍著音貯

澤如字鄭箋釋褻衣也釋音除革切說文袴也今鄭
箋止云澤褻衣二章之澤

招賈誼過秦論招八州朝同列招音翹舉也以雍之一州舉八州也朝音潮朝同列與孟子朝秦楚語意同言致同列之來朝也

渭陽

令狐之役

左文六年八月晉襄公卒靈公少晉人以難故欲立長君趙孟曰立公子雍使先穀士會如秦逆公子雍七年秦康公送公子雍于晉曰文公之入也無衛故

有呂卻

呂甥
卻萬

之難乃多與之徒衛夫人穆嬴日抱太

子以啼于朝出朝則抱以適趙氏宣子與諸大夫皆

患穆嬴且畏偪乃皆先殺而立靈公以禦秦師敗秦

師于令狐

令音
零

至于剗首十三年秦爲令狐之役故

冬秦伯伐晉取羈馬十二月秦軍掩晉上軍宣子出

戰交綏秦師夜遁復侵晉入瑕交綏者兩軍皆退也

退軍謂之綏 令狐 魏顆之食邑今猗氏縣西十

五里有令狐故城

權輿

始也

爾雅訓曰權輿始也羅長源曰帝顓頊高陽氏礪名
岡保大澤制十等之幣以通有無曰權衡陳少南曰
作量自權始以準量由此而生造車自輿始以蓋軫
由此而起故曰權輿

楚元王

吳

胥靡

杵臼雅春

漢書元王交字游高祖同父少弟也好書多材藝少

時嘗與魯穆生白生申公俱受詩於孫卿門人浮丘伯漢六年立交爲楚王元王既至楚以穆生白生申公爲中大夫王好詩諸子皆讀詩申公始爲詩傳號魯詩元王亦次之詩傳曰元王詩立二十三年薨子郢客嗣四年薨子戊嗣穆生謝病去申公白生獨留王戊稍淫暴二十年爲薄太后服坐私姦削東海郡乃與吳通謀二人諫不聽胥靡之衣之赭衣使杵臼稚春於市

吳 吳王濞譬景帝時七國反者

胥靡 胥相也靡隨也聯繫使相隨而闕之

杵臼雅舂 杵臼爲木杵而手舂即今步臼雅舂雅者正也正面相對而手舂也

陳

陳胡公

虞舜三妃娥皇女英癸比娥皇一作娥育女英一作女螢娥皇無子女英生義均及季釐二子季釐封於

緡義均封於商是爲商均今商於山有女英墓蓋從
其子來商也禹封其子于虞曰虞思次妃癸比生二
女曰宵明曰燭光處於大澤或以爲湘之神庶子七
人皆釐降于齊民胡公世不淫至虞闕父爲周陶正
武王妃配其子滿以大姬錫之嬀姓與肅慎氏之寶
復封之於陳以備三恪齊民齊等之民猶言平民也

三恪

嬀

左襄二十五年鄭子產曰昔虞闕父爲周陶正以服

事我先王我先王賴其利器用與其神明之後也庸
以元女大姬配胡公而封諸陳以備三恪莆田夾漈
鄭氏漁仲曰周武王克商而封夏之後於杞商之後
於宋皆公爵封舜之後於陳侯爵以備三恪恪者
恭也義取王之所恭禮也三山梅溪林氏唐翁曰其
禮轉隆示敬而已故謂之恪

媯 媯本作瀉因水得名炎帝柱所都之蒲阪今之
河東有瀉水逕首山下復有一水曰汭瀉南汭北注

于河有舜帝廟潘城饒汭皆有嫫名泗水有嫫亭長沙有瀉水皆有舜祠柱炎帝名

衡門

阿塾堂宇

爾雅門側之堂謂之塾韓詩曰屋霑爲宇陸元朗曰屋四垂爲宇阿隈也曲也夾門堂爲塾故云阿塾宇簷下也

株林

夏徵舒

春秋宣公十年夏五月癸巳陳夏徵舒弑其君平國
十有一年冬十月楚人殺陳夏徵舒左傳楚子爲陳
夏氏亂故伐陳謂陳人無動將討於少西氏遂入陳
殺夏徵舒轅諸栗門

平國陳靈公名楚子楚莊王少西夏氏祖轅胡憤切
音悲車裂之而死曰轅

檜

檜亦作鄩國在高辛氏大正祝融之墟祝融重黎也
重黎之弟吳回生陸終陸終生子六人其四曰檜人
檜又與會同宋衷世本作會人即檜之祖釋文曰王
子雍云周武王封祝融之後於濟洛河潁之間爲檜
子爲鄭武公所滅

素冠

縞冠素紕

記玉藻曰縞冠素紕既祥之冠也註云紕緣也音脾

讀如埤益之埤緣去聲既祥之冠已祥祭而服之也
祥祭大祥喪畢之祭

喪事總總

記檀弓喪事欲其縱縱爾註云縱音總趨事貌

子騫子夏

毛傳之言與禮記異同

檀弓子夏既除喪而見

見孔子也音現

予之琴和之而不和

彈之而不成聲作而曰哀未忘也先王制禮而弗敢

過也子張既除喪而見子之琴和之而和彈之而成
聲作而曰先王制禮不敢不至焉

予與音同義同不
閤和字平去二音

曹

曹叔振鐸所封之國地夾魯衛之間濟陰定陶皆其
地昔堯遊成陽死而葬焉舜漁雷澤民俗始化遺風
重厚多君子

蜉蝣

掘閱

慈溪黃氏日抄曰說謂掘地而出升騰游翔王雪山
云管子曰掘閱得玉恐當時常談如此掘閱挑撥貌
雪山王氏質在晦庵前去小序以說詩其書名曰毛
詩總聞夾祭鄭氏亦去序言詩

候人

緼芾赤芾

芾

記玉藻曰一命緼韍幽衡再命赤韍幽衡三命赤韍
蔥衡緼音溫幽音酉註云此玄冕爵弁服之韠尊祭

服異其名耳韍之爲言亦蔽也緼赤黃之間色所謂
韍也韍音昧衡佩玉之衡也幽讀爲黝黑謂之黝青
謂之葱周禮公侯伯之卿三命其大夫再命其士一
命子男之卿再命其大夫一命其士不命

芾 韠也與紱同其色赤先儒云祭服謂之韠冕服
謂之芾天子山龍以下有等鄭康成曰芾大古蔽膝
之象也冕服謂之芾其他服謂之韠以韋為之其制
上廣一尺下廣二尺長三尺其頸五寸肩革帶博二

寸

晉人入曹

左僖二十八年二月晉侯圍曹三月入曹數之以不用僖負羈而乘軒者三百人也數上聲 僖二十三年晉公子重耳及曹曹共公聞其駢脅欲觀其裸浴薄而觀之僖負羈之妻曰吾觀晉公子之從者皆足以相國若以相夫子必反其國反其國必得志於諸侯得志於諸侯而誅無禮曹具首也子盍蚤自貳焉

乃饋盤飧寘璧焉公子受飧反璧薄音博近也

鴈鳩

和順積中而英華發外

樂記和順英華

書云四人騏弁

顧命四人騏弁騏青驪色

下泉

京師

公羊傳桓九年紀季姜歸于京師京師者何天子之
居也京者何大也師者何衆也天子之居必以衆大
之辭言之大雅公劉京師之野

詩傳旁通卷四

欽定四庫全書

詩傳旁通卷五

元 梁益 撰

國風

豳

豳國名

豳者后稷之曾孫曰公劉者自郤而出所徙戎狄之地名今屬右扶風枸邑枸音荀枸邑有豳鄉公劉以夏后太康時失其官守竄於此地猶修后稷之業勤

恤愛民民咸歸之而國成焉其封域在禹貢雍州岐山之北原隰之野至商之世太王又避戎狄之難而入處於岐之陽徐廣史記注曰新平漆縣東北有豳亭樂史寰宇記曰邠之三水東北二十五里枸原上有古枸城周鼎銘云王命尸官此枸邑郡縣志云安定縣界有三水故城文王之後有邠國與枸異

邠

史記劉敬傳周之先自后稷堯封之邠張守節正義

曰雍州武功縣西南二十三里故邠城是也說文曰
邠炎帝之後姜姓所封國棄之外家毛萇曰邠姜嫄
國堯見天因邠而生后稷故因封之於邠也 邠后
稷所封一作釐一作釐一作釐一作釐一作釐一作
台一作駘八字同一音永興郡武功縣西南有故釐
城有后稷姜嫄祠隋爲稷州駘有二帝嘗娶於有駘
氏曰姜嫄生后稷而后稷亦封於邠稷之十三世孫
古公亶甫亦娶於邠氏是曰太姜稷封之駘在於武

功姜姓之郤在於琅邪琅邪之駘古公所娶也

棄稷不務

國語周語曰昔我先世后稷以服事虞夏及夏之

衰棄稷不務我先王不窋

竹律切

用失其官而自竄於

戎狄之間韋昭註曰棄廢也謂夏太康廢稷官不務

農

不窋

不窋公劉

司馬貞史記索隱曰帝王世紀后稷納姁氏生不窋

而譙周按國語云世后稷以服事虞夏言世稷官是失其代數也若以不窋為棄之子至文王千餘歲唯十四代實不合事情孔穎達詩正義曰韋昭註國語以爲不窋當太康之時公劉乃不窋之孫不應亦當太康之世夏之衰也自太康始故繫太康言之

下論不窋公劉羅氏路史曰嘗竊攷之信書不窋實非后稷之子而公劉乃商世之諸侯蓋當商家十葉之間故左氏云文武不先

去聲

不窋而外傳乃謂夏

氏之衰不啻始失官守婁敬亦言周自后稷封邠積德累善十有餘世而公劉避桀是公劉之去后稷已十餘世還當君桀之時蓋所謂夏之衰尤不當出乎履癸之前然而說者每謂太康之世曷不諦之如是耶匈奴傳云夏道衰公劉失其稷官變于西戎顏師古以爲稷之曾孫而鄭康成遂謂與太康並世安矣傳曰太王亶父去公劉三百餘歲則其去文王纔四百年蓋當仲丁外壬之時爰復詳之夏氏之書記帝

王之世云帝俊生稷稷生台璽台璽生叔均叔均爲
田祖夫帝俊者帝嚳之名而台即邠也后稷封邠故
其後有台璽有叔均既有台璽叔均則知稷之後世
多矣不啻不得爲稷子明矣

泣昨

禮記文王世子成王幼不能泣昨周公相踐昨而治
註曰泣視也不能視昨階行人君之事踐履也代成
王履昨階攝王位以治天下也

周公詩爲豳風

鄭康成詩箋成王之時周公居東思公劉居豳憂念民事至苦之功以此序已志故別其詩爲豳國變風焉董氏曰先儒以七月爲周公居東而作者其詩則陳后稷公劉所以治其國者方風論而成其德故是未居東時也范處義詩補傳曰公劉入於雅七月不入雅何也雅所言王者之事也七月之詩以周公之故屈居於風也

爲周公而作者附

劉氏曰豳實周公詩爾周者畿內國也畿內諸侯上繫於王不得國別風也何不編於魯魯者伯禽封耳周公不之魯也周公作詩意在於豳而爲周公而作之詩無所可繫故因謂之豳也

七月

夏正之歲

夏正

商正

周正

南軒張氏敬夫曰七月之詩皆以夏正爲斷

夏正之歲斗柄指寅之月爲歲首也夏正建寅謂之
人統人生於寅

黃寶夫曰或謂周公周臣言夏正不順余謂后稷居
邠至公劉居豳正夏之時也當夏時而言夏正其說
明矣

商正建丑斗柄指丑之月爲歲首謂之地統地闢於
丑此詩所謂二之日而傳謂二陽之月也

周正建子斗柄指子之月爲歲首謂之天統天開於

子此詩所謂一之日而傳謂一陽之月也子丑寅之
異建雖有夏商周之分然以尚書三正之說觀之古
蓋已有之矣說見下文

瞽矇

瞽

世莫繫

周禮春官瞽

古

矇

蒙掌播鼗

桃祝

充啟

語塤

塤簫管

絃歌諷誦詩世莫

定

繫

戶計

鼓琴瑟掌九德六詩之

歌以役太師鄭康成註曰諷誦詩謂闇

暗

讀之不依

詠也鄭司農云無目矇

直急

謂之瞽有目矇而無見

謂之矇有目無眸子謂之眚

眚目童子也童瞳通

世奠繫 繫謂帝系諸侯卿大夫世本之屬也瞽矇
誦世系勸戒人君焉

隋登

隋音妥園而長也字亦作脗爾雅注脗狹長也登丘
容切音芎斧穿也謂斧空受柄之處

曲薄

月令季春具曲植籩筐植音值鄭康成曰曲薄也植
槌也薄用萑葦爲之以爲蠶用萑音完韋昭曰北方
謂薄爲曲史記周勃世家勃以織曲薄爲生司馬貞
云以織蠶薄爲生業許慎注淮南子云曲葦薄也郭
璞注方言云植懸曲柱也

蔓

毛氏傳曰蔓草也鄭氏箋曰夏小正四月玉莢秀蔓
其是乎孔子疏曰夏小正者大戴禮之篇名蔓之爲

草書傳無文言萆其是乎爲疑之辭也曹氏曰萆遠志也劉向說萆味苦謂之苦萆本草遠志一名棘菀一名澆萆澆萆一作萆繞一名細草一名小草四月采根陰乾嚴坦叔曰萆毛傳不指爲何草鄭箋疑爲王萆陸璣亦無明說惟曹氏以爲遠志證據甚明

同

二之日其同鄭康成曰其同者君臣及民因習兵俱出田也所謂竭作以狩也

三正

夏書甘誓曰有扈氏威侮五行怠棄三正蔡仲默曰
三正子丑寅之正也三正迭建其來久矣舜叶時月
正日亦所以一正朔也子丑之建唐虞之前當已有
之朱子答潘時舉曰周歷夏商其未有天下之時
固用夏商之正朔然其國僻遠無純臣之義又自有
私記其時月者故三正皆曾用之

用民歲三日

周禮地官均人職凡均力政以歲上下豐年則公旬用三日焉中年則公旬用二日焉無年則公旬用一日焉禮記王制用民之力歲不過三日鄭氏註云治宮室城郭道途

重糶

先種後熟曰重後種先熟曰糶孔氏詩正義曰後熟者先種之先熟者後種之故天官內宰鄭司農云先種後熟謂之重後種先熟謂之糶相傳爲然無正文

也閔宮稭穉傳云先種曰植後種曰穉是重穉穉植
四者皆生熟早晚之異稱非穀名也

正歲

天官註曰正歲謂夏之正月得四時之正以出教令
者審故也

斬冰

天官令人掌冰正月十有二月令斬冰三其凌凌去
聲正歲季冬火星中大寒冰方盛之時春秋傳所謂

火星中而寒暑退也凌冰室也三其凌者三之以爲消釋之度也

獻羔

祭司寒也祭寒而開冰鄭氏禮註

藏冰發冰

左氏昭公四年春正月大雨雹

雨于付切

季武子問於申

豐曰雹可禦乎對曰聖人在上無雹雖有不爲灾古

者日在北陸

十二月

而藏冰西陸

三月

朝覲而出之其藏

之也深山窮谷固陰沍

互

寒於是乎取之其出之也

朝之祿位賓食喪祭於是乎用之其藏之也黑牡秬

黍以亨司寒其出之也桃弧棘矢以除其灾其出人

也時食肉之祿冰皆與預焉大夫命婦喪浴用冰祭

寒而藏之獻羔而啟之公始用之火出而畢賦

三月四月

自命夫命婦至於老疾無不受冰山人取之縣人傳

之

山人虞官縣人遂屬

與人納之隸人藏之夫冰以風壯而以

風出其藏之也周其用之也徧則冬無愆陽夏無伏

陰春無淒風秋無苦雨雷出不震無菑霜雹癘疾不

降民不夭札

六疫曰札

今藏川池之冰棄而不用風不越

而殺雷不發而震電之爲菑誰能禦之七月之卒章

藏冰之道也 菑災同

尊兩壺於房戶間

儀禮鄉飲酒篇曰乃席賓

主人介

衆賓之席

皆不屬焉

尊兩壺于房戶間

斯禁

有玄酒在

西句設篚于禁南

東肆

加二勺于兩壺

設洗

蘇

于阼階東南句南北以堂深

句深去聲

東西當東榮句

水在洗東

句

篚在洗西

句

南肆

逆暑迎寒

王氏

周禮籥章註吹籥以爲詩章春官宗伯之屬掌土鼓

豳籥杜子春云土鼓以瓦爲匡以革爲兩而可以繫

也鄭司農云豳籥豳國之地竹豳詩亦如之言以豳

地之竹爲籥也鄭玄云豳籥豳人吹籥之聲豳詩豳

風七月也迎暑以晝求諸陽迎寒以夜求諸陰也康

成吹簫謂幽人之聲與司農異鄭司農鄭衆也鄭玄
字康成

王氏集傳所引王氏曰蓋荊公王介甫及子雱元
澤父子之說也

鷓鴣

管蔡武庚

書金縢武王既喪管叔及其羣弟乃流言於國曰公
將不利於孺子周公乃告二公

太公召公

曰我之弗辟

音避

我無以告我先王周公居東二年則罪人斯得于後
公乃爲詩以貽王名之曰鴟鴞史記成王少周初定
天下周公恐諸侯畔乃攝行政當國管叔蔡叔羣弟
疑周公與武庚作亂畔周周公奉成王命伐誅武庚
管叔放蔡叔左傳云蔡蔡叔上蔡字音撒蔡者放也

東山

行陳

郭忠恕佩觿集曰軍陳爲陣始於王羲之羅泌路史

卷五
陳國名記曰古字只作陣隸繆爲陳車列官傍所以
爲陣轉爲平聲古無從東之陳後世傳家繆車爲東
隸遂爲東世不之知反以陳爲正陣爲俗今難頓革
郭羅二說不同郭說近是

枚如箸

秋官銜枚氏軍旅田役令銜枚註曰銜枚止言語
謹也枚狀如箸橫銜之爲之繡結於項中箸直慮切
繡音畫戶卦切又胡麥切繩也

穴處先知

五際

漢翼奉奏元帝封事曰臣竊學齊詩聞五際之要十月之交篇知日食地震之效昭然可明猶巢居知風穴處知雨亦不足多適所習耳

五際

鄭康成六藝論引汎歷樞云午亥之際爲革命卯酉爲改正辰在天門出入候聽卯天保也酉祈父也午采芑也亥大明也亥爲革命一際也辰爲天門出入

候聽二際也卯爲陰陽交際三際也午爲陽謝陰興
四際也酉爲陰盛陽微五際也其詩含此五際此見
漢書翼奉傳孟康曰詩內傳五際卯酉午戌亥也陰
陽終始際會之歲於此則有變改之政也五際所以
推得失考天心言王道之安危

詩緯

凡書有經有緯詩之緯書有三曰汎歷樞曰推度災
曰含神霧詩緯之外并纂他說

鄭康成注三禮引易說書說樂說春秋說禮家說孝
經說皆緯候也河洛七緯合爲八十一篇河圖九篇
洛書六篇又別有三十篇七經緯三十篇 易緯
稽覽圖乾鑿度坤靈圖通卦驗是類謀辨終備 書
緯 璇璣鈴考靈曜刑德放帝命驗運期授 詩緯
推度災汜歷樞含神霧 禮緯 含文嘉稽命徵
斗威儀 樂緯 動聲儀稽耀嘉叶圖徵 孝經緯
援神契鈎命決 春秋緯 演孔圖元命包文耀

鈞運斗樞感精符合誠圖考異郵保乾圖漢含尊佑
助期握誠圖潛譚已說題辭 論語緯 摘輔象
尚書中候論語識在七緯之外王伯厚曰李尋有五
經六緯之言蓋起於哀平至光武篤信之諸儒習爲
內學隋焚其書今唯易緯存焉正義多引識緯歐陽
公欲取九經之疏刪去識緯之文使學者不爲怪異
之言惑亂然後經之文義純一而其言不果行按緯
書如漢夏賀良所作者多隋雖焚其書然後世亦有

存者

施衿結帨

儀禮士昏禮父送女命之曰戒之敬之夙夜毋違命
毋施衿結帨曰勉之勉之夙夜毋違宮事爾雅曰婦
人之褱謂之縹縹緌也孫炎曰褱帨巾也陸德明曰
衿佩帶也衿其鳩切帨音稅褱許韋切緌音徒

敦

有敦瓜苦之敦集傳與敦彼獨宿同音都迴切古註

有敦音徒丹切毛傳敦猶專專也專音徒端切今朱子不解有敦之義想以爲與敦彼獨宿之敦同其音義云

破斧

象

象舜之異母弟也封之之事見孟子

九罍

九囊之網

爾雅釋器曰綬罟謂之九罟九罟魚罔也郭景純曰
今之百囊罟是亦謂之罟今江東呼爲綬孫炎曰魚
之所入有九囊也或曰綬罟小魚網也綬子美切又
子公切罟落槌切

衮衣裳九章

山龍華蟲火宗彝五章畫於衣以象陽藻粉米黼黻
四章繡於裳以象陰尚書益稷篇註曰舜十二章周
九章周以日月星辰畫於旂故衣裳九章登龍於山

登火於宗彝華蟲雉也宗彝虎雉也

雉袖位
豐三音

龍取其

變山取其鎮雉取其文火取其明虎雉取其孝藻取

其潔粉米白米取其養黼取其斷

煨

黻取其辨

虎

雉虎雉狄也似獼猴而小黃黑色尾長數尺似獼

尾末有岐鼻露向上雨則自掛於木以尾塞鼻或以

兩指江東人亦取養之爲物捷健郭景純江賦云迅

雉臨虛以騁巧是也周禮註雉禹屬卽鼻而長尾禹

音牛具切卽音昂

羅端良曰古者有雉彝畫雉於

彛謂之宗彛又施之象服夫服器必取象於此等者
非特以其智而已蓋皆有所表焉夫八卦六子之中
日月星辰可以象指者也雲雷風雨難以象指者也
故畫龍以表雲畫雉以表雷畫虎以表風畫雌以表
雨凡此皆形著於此而義表於彼非爲是物也端良
名願號存齋歛人爾雅翼三十二卷
龍首卷然

三公一命卷王制文也天子卷冕卷古本切卷衮同

音鄭氏曰卷俗讀也其通則曰袞

狼跋

安土樂天

記哀公問孔子遂言曰古之爲政愛人爲大不能愛人不能有其身不能有其身不能安土不能安土不能樂天不能樂天不能成其身

神龍醢而食之

左昭二十九年秋龍見于絳郊魏獻子魏舒問於蔡

墨曰吾聞之蟲莫智於龍以其不生得也謂之智信
乎對曰人實不智非龍實智古者畜龍故國有豢龍
氏有御龍氏獻子曰是二氏者吾亦聞之而不知其
故是何謂也對曰昔有颺叔安有裔子曰董父實甚
好龍能求其耆欲以飲食之龍多歸之乃擾畜龍以
服事帝舜帝賜之姓曰董氏曰豢龍封諸豢川豢夷
氏其後也故帝舜氏世有畜龍及有夏孔甲擾于有
帝帝賜之乘龍河漢各二各有雌雄孔甲不能食而

未獲豢龍氏有陶唐氏既衰其後有劉累學擾龍于
豢龍氏以事孔甲能飲食之夏后嘉之賜氏曰御龍
以更豕韋之後龍一雌死潛醢以食夏后夏后饗之
既而使求之懼而遷于魯縣范氏其後也龍見之見
音現豢音患養也醢音溜好者飲食並去聲酸音宗
更音庚代也醢音海

豳國七篇

文中子

王通字仲淹隋人講道河汾門人謚爲文中子

田祖田畯

周禮籥章註祈天祈豐年也田祖始耕田者謂神農也
豳雅亦七月也七月又有于耜舉趾饁彼南畝之事
是亦歌其類謂之雅者以其言男女之正也鄭司農
云田畯古之先教田者爾雅云畯田夫也宋衷注
世本云胲作服牛徐堅初學記云胲能駕牛胲音
古才切黃帝之臣也山海經云稷後曰叔均始作牛

耕羅長源曰夏氏之書記帝王之世云帝俊生稷稷生台璽台璽生叔均叔均爲田祖帝俊即帝嚳也

祭蜡息老物

籥章註故書蜡爲蠶杜子春云蠶當爲蜡故書者杜子春註周禮所引也郊特牲曰天子大蜡八伊耆氏始爲蜡歲十二月合聚萬物而索饗之也蜡之祭也主先嗇而祭司嗇也黃衣黃冠而祭息田夫也既蜡而收民息已鄭康成曰歲十二月謂建亥之月也

建亥

舉周求萬物而祭之者萬物助天成歲事至此爲其

正

老而勞平乃祀而息之於是國亦養老焉月令孟冬

勞去農以休息之是也豳頌亦七月也七月又有穫

稻作酒躋彼公堂稱彼兕觥萬壽無疆之事是亦歌

其類也謂之頌者以其言歲終人功之成也八蜡

先嗇也司嗇也農也郵表畷也貓虎也坊也水庸

也昆蟲也

畷株衛陟方二切
去音綴入音畷

神農紀每歲陽月盍

百種率萬民蜡戲于國中以報其歲之成

先嗇司嗇

神農祭司嗇山林川澤神祇在位而主先嗇路史曰
先嗇司嗇所謂田畝神苗稼神者說者以神農爲先
嗇后稷爲司嗇蓋後世說也豈有神農始蜡而自祭
其身哉皇氏云神農伊耆一代總號其子孫有天下
者始爲蜡祭其先祖造田者故籥章註以神農爲田
祖始造田者謂之田祖先爲穡事謂之先穡神其農
業謂之神農禮書以先農爲即先嗇陸佃以先嗇爲

田祖司嗇爲田畯据籥章樂田祖樂田畯也

鄭氏三分七月詩

慈溪黃氏日抄曰鄭氏以殆及公子同歸以上爲豳
風以以介眉壽以上爲豳雅以萬壽無疆以上爲豳
頌周禮籥章逆暑迎寒歛豳詩祈年于田祖歛豳雅
祭蜡則歛豳頌故鄭氏之分如此歛與吹同王雪山
謂一詩如何分爲三籥章所謂豳詩以鼓鐘琴瑟四
器之聲合籥也禮笙師歛字笙塤籥蕭篪篴管春牘

應雅凡十二器以雅器之聲合籥也禮眡瞭播鼗擊
頌磬笙磬凡四器以頌磬之聲合籥也頌與容同古
容字作頌字凡爲樂器以十有二律爲之數度以十
有二聲爲之齊劑量亮凡和樂亦如之故逆暑迎寒
祈年祭蜡皆全用七月之詩特以器和聲有不同耳
至晦庵則有三說一說豳詩吹之其調可風可雅可
頌一說楚茨諸詩是豳之雅噫嘻諸詩是豳之頌王
介甫謂豳自有雅頌今皆亡矣震按楚茨諸詩序以


爲刺幽王之詩噫嘻諸詩序以爲成周郊社之詩未
易遽指爲幽若如介甫謂幽詩別自有雅頌則幽乃
先公方自奮於戎狄之地此時安得有所謂天子之
雅頌耶惟前一說謂吹幽詩之聲可雅可頌者爲得
之而其詳則雪山之考詳矣 慈溪黃震東發晦庵
門人之門人有讀書日抄東發云世有詩傳折衷一
書復取小序爲說乃後人僞作晦庵名非真晦庵書
也并識于此

國風補

周南卷耳爾雅注引此作盱爾雅釋詁篇恙寫惺盱
繇慘恤罹憂也郭璞注云詩曰悠悠我惺云何盱矣
繇役以爲憂愁也

衛淇奥首章爾雅釋訓篇如切如磋道學也如琢如
磨自修也瑟兮僖兮恂慄也赫兮烜兮威儀也有斐
君子終不可諼兮道盛德至善民之不能忘也郭璞
注恂慄恒戰竦

芄蘭朱極三士喪禮曰續極二注云極猶放絃也以
沓指放弦今不挈也生者以朱韋爲之而三死者用
續爲之而二明不用也大射禮曰朱極三注云以朱
韋爲之彊沓食將無名三指也



詩傳旁通卷五

欽定四庫全書

經部

詩傳旁通卷六

詳校官監察御史臣盛嘉祐

通政使司副使臣莫瞻菴覆勘

總校官進士臣楊懋珩

校對官中書臣吳向華

謄錄監生臣吳炳文

欽定四庫全書

詩傳旁通卷六

元 梁益 撰

小雅鹿鳴之什

受釐

釐與禧同福也漢文帝受釐宣室殿漢儀注曰祭天地二時皇帝不自行祠還致福釐受釐者受所祭之福也

鹿鳴

於旅也語

禮記鄉射義古者於旅也語鄭氏注曰禮成樂備乃

可言語

私惠不歸德

禮記緇衣子曰私惠不歸德君子不自留焉鄭氏註

曰私惠謂不以公禮相慶賀時以小物相問遺也

言其物不可以爲德則君子不以身留此人也相惠

以褻音薛瀆邪僻之物是謂不歸於德

燕禮鄉飲酒禮

儀禮燕禮篇曰工歌鹿鳴四牡皇皇者華句卒歌句

主人洗升獻工句工不興句左瑟一人拜受爵句主

人西階上拜送爵鄉飲酒禮篇曰樂正先洗句立

于西階東句工入句升自西階句北面坐句相者東

面坐句遂授瑟句乃降句工歌鹿鳴四牡皇皇者華

句遂卒歌句主人獻工句工左瑟一人不拜句不興

爵句主人阼階上拜送爵

宵雅肄三

宵小也禮記樂記曰大學始教皮弁祭菜示敬道也
宵雅肄三官其始也鄭氏註曰當祭菜之時使歌小
雅中鹿鳴四牡皇皇者華之三篇而肄習之此三詩
皆君臣燕樂相勞苦之辭蓋以居官受任之美誘喻
其初志故曰官其始也

四牡

靡盬

鹽亦鹽也出於池者爲鹽凡鹽之出於海與井者皆
須煎煮而成亦經久難壞出於河東之解池者不須
煎水注鹽池自結成鹽不經久而易壞故訓不堅固
者爲鹽也古者蚩尤之封域有鹽池之利今河東路
解州之池是也池方百二十里鹵色正赤俗呼解池
爲蚩尤血池中有一甘泉得之則鹵乃成泉北一水
曰巫咸河其水入澤則鹵不復結

傳曰

凡詩之傳註毛氏謂之傳鄭氏曰謂之箋此云傳曰者雜引康成之箋而總謂之傳耳不以家事辭王事見公羊哀公三年傳

杞枸櫞

杞有杞柳之杞有枸櫞之杞枸音苟櫞音計鄭風將仲子無折我樹杞朱傳曰杞柳屬也生水旁樹如柳葉羸而白色理微赤小雅四牡此篇集于苞杞朱傳曰杞枸櫞爾雅釋木之文也邢昺爾雅疏曰杞一名

枸櫞郭璞云今枸杞也陸璣云一名苦杞一名地骨
春生子秋熟正赤莖葉及子服之輕身益氣本草一
名仙人杖一名西王母杖根爲地骨莖幹三五尺作
叢按朱子集傳將仲子樹杞湛露杞棘皆杞柳也此
篇苞杞杖杜米杞四月杞棧南山有臺之有杞皆枸
櫞也南山傳云杞樹如櫞 櫞 櫞散不材之木惟
供爲薪爾雅於栲曰山櫞郭璞注曰栲似櫞色小白
生山中因名山櫞亦類漆樹故俗語曰櫞櫞栲漆相

似如一陸璣草木疏曰山樗與下田樗略無異葉似
差狹耳樗亦作櫟之類而柞栝桐櫟四者皆櫟櫟之
通名惟樗惡木也山與下田未知何別秦風終南有
條有梅條山楸也陸璣亦云今山楸亦如下田楸耳
夫不

夫不亦作鳩鵲上方扶切下方浮切音並同

序言勞使臣春秋傳亦云

左襄四年穆叔如晉報知武子之聘也晉侯享之金

奏肆夏之三不拜工歌文王之三又不拜歌鹿鳴之
三三拜韓獻子使行人子負問之曰子以君命辱於
敝邑先君之禮藉之以樂以辱吾子吾子舍其大而
重拜其細敢問何禮也對曰三夏天子所以享元侯
也使臣弗敢與聞文王兩君相見之樂也臣不敢及
鹿鳴君所以嘉寡君也敢不拜嘉四牡君所以勞使
臣也敢不重拜皇皇者華君教使臣曰必諮於周臣
聞之訪問於善爲咨咨親爲詢咨禮爲度咨事爲諏

洛難爲謀臣獲五善敢不重拜與國語相表裏穆叔魯叔孫豹武子晉知瑩獻子晉韓厥

外傳章使臣

國語謂之春秋外傳謂魯語曰叔孫穆子聘於晉晉悼公饗之樂及鹿鳴之三而後拜晉侯使行人問焉對曰伶簫詠歌及鹿鳴之三君之所以貺使臣臣敢不拜貺夫鹿鳴君所以嘉先君之好也敢不拜嘉四牡君所以章使臣之勤也敢不拜章皇皇者華君教

使臣曰每懷靡及諷謀度詢必咨於周敢不拜教臣

聞之和

韋昭曰當作私

爲永懷咨才爲諷咨事爲謀咨義爲

度咨親爲詢忠信爲周君貺使臣以大禮重之以六

德敢不重拜

皇皇者華

調忍

陰

調忍之忍去聲音認

陰 爾雅釋馬陰白雜毛曰駟郭注陰淺黑色今之

泥驄

儀禮亦見鹿鳴言燕禮鄉飲酒禮皆見鹿鳴篇

常棣

常棣唐棣

常棣棣也唐棣移也郭璞爾雅註曰山中有棣樹子如櫻桃可食舍人曰常棣一名棣陸璣曰許慎云白棣似李而小如櫻桃今官園種之又有赤棣樹亦似白棣葉如刺榆而微圓子正赤如郁李而小五月始

熟自關西天水隴西多有之陸農師曰常棣如李而
小子如櫻桃正白華萼上承下覆甚相親爾采薇彼
爾維何維常之華朱子曰爾華盛貌可以見常棣之
華盛 移音移爾雅註舍人曰唐棣一名移郭璞曰
今白移也似白楊江東呼夫移陸璣草木疏曰與李
也與音郁一名雀梅亦曰車下李所在山皆有其花
或白或赤六月中熟大如李可食崔豹古今註曰一
名移梅又曰移柳又曰蒲移羅端良爾雅翼曰移皮

焚爲灰置酒中令味正經時不敗而枳椇木爲屋柱則屋中酒味皆薄物之相反有如此者常棣唐棣二木不同無可疑者而或有誤音常爲棠音者故并纂之

富辰

左傳僖公二十四年富辰曰昔周公弔二叔之不咸故封建親戚以藩屏周召穆公思周德之不類故糾合宗族于成周而作詩如是兄弟雖有小怨不廢懿

親富辰周大夫富畿內邑名辰之采邑召穆公名虎
周厲王時卿士三山梅溪林氏唐翁曰棠棣詩乃周
公閔管蔡失道而作今富辰以爲召穆公所作者蓋
樂章久廢召穆公始作周公樂歌也

伐木

邪許

淮南子道應訓曰惠子爲魏惠王爲

如字

國法翟翦曰

今夫舉大木者前呼邪許後亦應之此舉重勸力之

歌也豈無鄭衛激楚之音哉治國有禮不在文辨

輿譎邪譎附見譎羽俱切 呂氏春秋審應覽曰惠

子爲魏惠王爲法爲法已成呂示諸民人民人皆善

之獻之惠王惠王善之呂示翟翦翟翦曰善也惠王

曰可行耶翟翦曰不可惠王曰善而不可行何故翟

翦對曰今舉大木者前呼輿譎後亦應之此其於舉

大木者善矣豈無鄭衛之音哉然不若此其宜也夫

國亦木之大者也高誘注曰輿譎或作邪譎前人倡

後人和舉重勸力之歌聲也

縮酌用茅

禮記郊特牲縮酌用茅明酌也鄭氏註曰謂泝醴齊以明酌也周禮曰醴齊縮酌五齊醴尤濁和之以明酌泝之以茅縮去滓也明酌者事酒之上也名曰明者事酒今之醴酒皆新成也春秋傳曰爾貢包茅不入王祭不共無以縮酒酌酒斟也酒已泝則斟之以實尊彝泝音子禮切齊音劑滓壯士切醴音亦共音

恭

諸父諸舅

毛傳曰天子謂同姓諸侯諸侯謂同姓大夫皆曰父
異姓則稱舅國君友其賢臣大夫士友其宗族之仁
者乾餼餼食也食之乾者

天保

爾指君

除

歐陽文忠公詩本義曰詩人爾其君者蓋稱天以爲

言耳

除 吳伯豐問何福不除朱子曰如除戎器之除易
萃卦大象君子以除戎器程子傳除謂簡治也朱子
本義除者修而聚之新安胡廷芳曰按此錄雖不同
集傳而義爲勝

昭受上帝 書益稷文蔡氏傳曰以是昭受于天
豈不重命而用休美乎

宗廟之祭

周禮春官大宗伯以祠春享先王以禴夏享先王以嘗秋享先王以烝冬享先王公羊春秋桓八年傳春曰祠夏曰禴秋曰嘗冬曰烝禮記王制篇曰天子諸侯宗廟之祭春曰禴夏曰禘秋曰嘗冬曰烝鄭氏註曰此蓋夏殷之祭名周則改之春曰祠夏曰禴以禘爲殷祭詩小雅禴祠烝嘗于公先王此周祭宗廟之名也禴與禴同並音藥薄也說者曰夏物未成其祭尚薄也尚薄者以薄爲尚也或曰新菜可禴也嘗謂

嘗新穀烝謂進品物烝之爲言進也說祠者曰物品少而文詞多之謂祠

尸傳神意

儀禮少牢饋食禮之篇祝酌授尸以嘏于主人曰皇尸命工祝承致多福無疆于汝孝孫來汝孝孫使汝受祿于天宜稼于田眉壽萬年勿替引之此所謂尸傳神意以嘏主人之辭也嘏福也主人主祭之人也古者祭祀必有尸尸主也筮擇一人使坐以象神謂

之尸若始死之難奠及祭殤擇奠則無尸

公叔祖類

史記索隱曰世本云太公組紺諸藍三代世表稱叔類凡四名皇甫謐云公祖一名組紺諸藍字叔類號曰太公也羅氏路史曰祖類即公叔組紺世表云叔類而古今人表曰公祖是爲祖戾亦曰公叔祖類祖紺也鄭玄云先公組紺以上詩小戎圖乃云高圉侯亞圉侯又以公叔祖類諸藍爲三人繆矣

后稷至公叔祖類

金氏通鑑前編曰按世本自不窋鞠公劉至季歷已
十七世史記拘於十五王文始平之之數遂謂后稷
之子爲不窋曾孫爲公劉前既缺代又自公劉已後
缺四世不書皇甫氏不得其說遂以四世爲字而組
紺又自有四名獨索隱覺其非而不明辨路史已明
辨而不斷十五王之說今按公劉之世云周道之興
自此而始京師之名亦始此國語十五王之說自公

劉數至文王爾然又安知非祖功宗德之云周世世
修德者賢聖之君十五作而至文王乎 羅氏路史
發揮曰禹爲夏契之後爲商而稷之後爲周夏十七
世商三十世蓋四十有七世而下有周文王禹及稷
契皆當唐堯之時稽之史載契十四世而至成湯厥
次僅是然其叙棄后稷十五世而至文王中間乃闕
夏商二代所較者三十餘世踈脫甚矣夫繇堯舜至
周文王千一百有餘載而其世止十五豈人情也哉

嘗竊攷之信書不密實非后稷之子而公劉乃商世之諸侯蓋當商家十葉之間故左氏云文武不先不密而外傳乃謂夏氏之衰不密始失官守婁敬亦言周自后稷封郃積德累善十有餘世而公劉避桀是公劉之去后稷已十餘世還當君桀之時蓋所謂夏之衰尤不當出乎履癸之前然而說者每不謂太康之世曷不諦之如是耶匈奴傳云夏道衰公劉失其稷官變于西戎顏師古以爲稷之曾孫而鄭康成謂

與太康並世妄矣傳云太王亶父去公劉三百餘歲則其去文王纔四百年蓋當仲丁外壬之時云爰復詳之夏氏之書記帝王之世云帝俊生稷稷生台爾台爾生叔均叔均爲田祖夫帝俊者帝嚳之名而台即邠也后稷封邠故其後有台爾有叔均既有台爾叔均則知稷之後世多矣不啻不得爲稷子明矣第恨其間世次久遠有不得盡見者雖然單穆公言后稷勤周十五世而興是則世本史記所爲信者夫亦

知夫所謂興者有非文王而不正爲公劉也耶即稽
世本不窋而下至於季歷猶一十有七世矣一十五
世而遽得爲盡之哉甚矣系牒之難理也羅長源周
世系攷之說如此今分紀於周南后稷十三世孫古
公亶甫及豳之不窋及此合而觀之可也

文王時未曰先王

禮記大傳所謂武王追王太王王季文王不以卑臨
尊也太王初曰古公王季初曰公季文王亦止曰西

伯耳

黔首

史記秦皇帝更名民曰黔首黔黑也謂其黑頭無知也禮記祭義曰明命鬼神以爲黔首則按古無黔首之稱而云爲黔首則此漢儒竄入之說無疑非禮記舊文黔音鉗其廉切

采薇

敵愾

防秋 排

愷口漑切音慨怒也即寧武子所謂敵王所愷者

防秋 秋高馬肥軍卒戍邊謂之防秋

腓 咸六二咸其腓程子曰腓足肚行則先動

魚

魚獸名陸璣疏曰魚獸似豬東海有之其皮背上班
文腹下純青今以爲弓韃步叉者也其皮雖朝燥爲
弓韃矢服經年海水潮及天將雨其毛皆起水潮還
及天晴則毛復如故雖在數千里外可以知海外之

潮自然相感也

日
人栗切

豈不日戒古註本日作曰音越言也又人栗切

出車

郊牧

國外百里爲郊五十里爲近郊百里爲遠郊郊在牧

內爾雅邑外謂之郊郊外謂之牧邑國都也

旗旄

春官司常掌九旗之物名各有屬以待國事日月爲
常交龍爲旂通帛爲旌雜白爲物熊虎爲旗鳥隼爲
旗龜蛇爲旐全羽爲旟遂析羽爲旖

注旄

注旄於旗干之首謂注旄牛之尾於旗干之首也夾
滌鄭氏漁仲名爾雅獵牛郭璞云即旄牛髀膝及尾
皆有長毛此牛角向前毛白如雪其長毛今人用爲
拂子出荆楚間獵音獵

朱雀玄武

怵

曲禮曰行前朱雀而後玄武左青龍而右白虎招搖在上急繕其怒註者曰以此四獸爲軍陣象天也急猶堅也繕讀曰勁

怵 詡往切怵慙慙之怵與況字不同

喪禮泣涕

老子偃武篇吉事尚左凶事尚右偏將軍居左上將軍居右言以喪禮處之殺人之衆以悲哀泣之戰勝

以喪禮處之孫子九地篇令發之日士卒坐者涕霑襟偃卧者涕交頤投之無所往諸劇之勇也魏武帝曹操注孫子曰皆持必死之計也諸謂專諸劇謂曹

劇

臨事而懼好謀而成黃勉齋謂行軍八字法洪水懷山襄陵襄謂駕出其上

杖杜

匪載

匪載匪來之載訓裝音宜作在昨代切

繇 合言於繇繇者卦兆之占辭音宙

賜君子小人不同攷

南陔

笙詩

公是劉原父啟 曰南陔以下六篇有聲無詩故云笙

不云歌有其義亡其辭非亡失之亡乃本無也夾漈

鄭漁仲樵曰古者歌鹿鳴必歌四牡皇皇者華三詩

同節故曰工歌鹿鳴之三而用南陔白華華黍三笙以贊之然後首尾相承節奏有屬夾漈又曰古者絲竹與歌相和故有譜無辭所以六詩在三百篇中但存名耳漢儒不知謂爲六亡詩非也

南陔爲笙詩白華爲次什之首朱子次序並依儀禮見燕禮鄉飲酒禮篇

白華之什

華黍

魯鼓薛鼓

禮記投壺篇末有魯鼓薛鼓方圓之節嚴陵方性夫
曰魯薛之鼓既異而傳之者又異是以記者兩存之

魚麗

樂畢皆間

禮記鄉飲酒義曰工入升歌三終主人獻之笙入三
終主人獻之間歌三終工告樂備遂出一人揚觶乃
立司正焉知其能和樂而不流也 東滙澤陳澠曰

間者代也。笙與歌皆畢，則堂上與堂下更代而作間。
音澗古覓切。

南有嘉魚

丙穴

左太冲蜀都賦：嘉魚出於丙穴。良木攢於褒谷。李善
文選註：丙穴在漢中沔陽縣北，有魚穴二所，常以三
月取之。丙地名也。陸農師埤雅曰：嘉魚，鯉，質鱗，鱗肌
肉甚美。食乳泉出於丙穴，穴口向丙，故曰丙也。舊言

尾象篆文丙字故曰丙穴蓋爾雅魚枕謂之丁魚腸
謂之乙魚尾謂之丙則魚尾皆象丙豈特嘉魚而已
鱒音慈損切今人謂之赤眼鱒石湖范至能桂海虞
衡志曰嘉魚狀如小鮠魚多脂味極腴美出梧州火
山春末尤多彼人爲鮓以餉遠蜀道丙穴出嘉魚火
山之名疑與同意一說丙穴出達州明通縣井峽中
穴凡十產嘉魚春社前魚出秋社歸穴達州即通川
也集傳云鯉質鱒鯽肌埤雅云鯉質鱒鱗陸似近是

赤眼鱒者鱒似鯉而鱗細眼赤云

霍櫟

霍字亦作霍食角切音浞 櫟 汕櫟也鄭康成曰
櫟今之撩罟也櫟音嘲撩音聊又音料

南山有臺

臺

臺一名夫須夫音扶陸璣云夫須莎草也可以爲蓑
笠禹治水稱畚築賦蓑蘧程土石夏時已有之春秋

外傳齊語曰首戴茅蒲身衣襪襪韋昭註襪襪蓑蓆
音百

萊
憶

北山有萊傳草也孔穎達以萊爲草之總名非有別
草名之爲萊如十月之交田卒汙萊周禮萊五十畝
皆非草名然詩人對南山有臺言之臺爲夫須草萊
亦當是草名故劉芳義疏云萊藜也陸璣疏萊草名
其葉可食兗州人蒸以爲茹謂之萊蒸山海經秦山

有草名曰藜可以爲菹藜之莖葉皆似王芻 王芻
爾雅釋草藜王芻郭氏云藜蓐也今呼鷓鴣脚莎王
芻卽終朝采綠之綠古人用以染黃本草謂之蓋草
俗中呼淡竹葉者是也

憶 憶材可爲弓弩幹於力切音憶

蓼蕭

晉詛公子

晉獻公卒國亂左傳宣公二年初驪姬之亂詛無畜

韋公子自是晉無公族

秦鍼懼選

左傳昭公元年秦后子有寵於桓如二君於景其母
曰弗去懼選癸卯鍼適晉其車千乘春秋書曰秦伯
之弟鍼出奔晉罪秦伯也后子見趙孟趙孟曰吾子
其曷歸對曰鍼懼選於寡君是以此將待嗣君晉
封鍼於裴中曰裴君 選數也恐景公數其罪而加
戮鍼音鉗數上聲

絳革

毛傳曰絳轡也革轡首也冲冲垂飾貌孔疏曰釋器云轡首謂之革郭氏曰轡靶也然則馬轡所靶之外有餘而垂者謂之革絳皮爲之故云絳革

和鸞

在軾曰和軾車中面前橫木可憑者在鑣曰鸞鑣馬勒傍鐵馬口兩旁者也周禮注曰和鸞皆以金爲鈴升車則馬動馬動則鸞鳴鸞鳴則和應舒則不鳴疾

則失音鈴謂之鸞者象鸞鳥之音鑾鑾然

湛露

設燭

宗室路寢

儀禮燕禮曰宵則庶子執燭於阼階上司宮執燭於西階上甸人執大燭於庭閭人爲大燭於門外

宗室路寢 公羊傳路寢者何正寢也何休註曰公之正居也路者大也寢者居也

朝正

左氏文公四年傳衛甯武子來聘公與之宴爲賦湛
露及彤弓不辭又不荅賦使行人私焉對曰臣以爲
肄業及之也昔諸侯朝正於王王宴樂之於是乎賦
湛露則天子當陽諸侯用命也諸侯敵王所愾而獻
其功王於是乎賜之彤弓一彤矢百旅弓矢千以覺
報宴今陪臣來繼舊好君辱貺之其敢干大禮以自
取戾旅音盧亦作盧黑也

過三爵

德將

記玉藻曰君子之飲酒也句受一爵而色洒如也句

二爵而言言斯句禮已三爵而由由句以退句洒如

肅敬也言言和也油油悅敬也左傳宣公二年晉

侯飲趙盾酒伏甲將攻之其右提彌明知之趨登

曰臣侍君宴過三爵非禮也遂扶以下晉侯晉靈公

其右車右也

德將書酒誥文王誥教小子德將無醉

不繼以淫

左傳莊公二十二年陳公子完奔齊爲工正飲桓公
酒樂公曰以火繼之辭曰臣卜其晝未卜其夜不敢
君子曰酒以成禮不繼以淫義也以君成禮弗納於
淫仁也

詩傳旁通卷六